

Na osnovu člana 7. stav (1), člana 13. tačka i) i člana 14. tačka s) Okvirnog zakona o zaštiti i spašavanju ljudi i materijalnih dobara od prirodnih ili drugih nesreća u Bosni i Hercegovini („Službeni glasnik BiH“, br. 50/08) i člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), na prijedlog Ministarstva sigurnosti Bosne i Hercegovine, Vijeće ministara Bosne i Hercegovine, na 08. sjednici, održanoj 01.04.2020.godine, *donijelo je*

O D L U K U

O TRAŽENJU MEĐUNARODNE POMOĆI ZA ZAŠTITU I SPAŠAVANJE

Član 1.

(Predmet odluke)

Ovom odlukom Vijeće ministara Bosna i Hercegovina traži međunarodnu pomoć za zaštitu i spašavanje i zadužuje nadležne institucije, tijela i organe u Bosni i Hercegovini da provedu potrebne procedure za njen prihvata.

Član 2.

(Primalac i sadržaj pomoći)

- (1) Pomoć primaju nadležni štabovi i drugi organi, tijela i organizacije od značaja za zaštitu i spašavanje u Bosni i Hercegovini na prijedlog nadležnih institucija i tijela u Bosni i Hercegovini.
- (2) Za potrebe prevencije, zaštite, tretmana oboljelih i suzbijanja pojave virusa SARS-COV 2, potrebna su sljedeća sredstva, oprema i materijali u što većim količinama:
 - a) medicinska oprema (respiratori sa pratećom opremom za odrasle i djecu, monitori za vitalne funkcije, mobilni Rtg, zaštitni RTG paravani, defibrillatori, aspiratori električni, aspiratori na vakuum, UZV, EKG aparati, infuzione pumpe, puls oksimetri, perfuzione pumpe, stanice za infuziomat i perfuzori, inhalatori, setovi za reanimaciju, germicidna lampa zidna, ECMO, setovi za intubaciju, tlakomjeri, stetoskopi, maske za kisik, mobilne UV lampe, fiberoptički bronhoskopi, plinski analizatori, QPCR, laringoskopi, menihanički ventilatori – evita xl ili mindray, pokretni držač za infuziju, digitalni toplomjeri bezkontaktni, AMBU aparat, dijalizatori)
 - b) sredstva i materijali za detekciju zaraženih virusom SARS-CoV2 (termalne kamere – stacionarne i mobilne, digitalni toplomjeri bez kontaktni, testovi za detekciju

Virusa SARS-COV 2, sitni potrošni materijal za laboratorije-reagensi, otopine, i drugo);

- c) zaštitna oprema (maske FFP3, maske FFP2, skafandri ili skafander-ogrtači, naočale, viziri, čizme-kaljače, latex rukavice/duboke, hirurške maske/ troslojne, hirurške kape, privremena izolacijska komora, insulator EI-10, specijalna izolaciona tuba za nosila, biobag EBV-30/40 IN/CH, vodootporni paravani za izol. kreveti);
- d) oprema i sredstva za dezinfekciju i čišćenje ruku, medicinske opreme, prostorija, javnih površina, prevoznih sredstava (alkohol 70% Alkohol, profesionalna sredstva za čišćenje površina u bolnicama, tečni sapun i zidni dispenceri za tečni sapun, zidni dispenceri za dezinfekciono sredstvo, Na-hipohlorit, hidrogen peroksid, parni dekontaminator sa većom količinom dezinficijensa na bazi H₂O₂);
- e) privremeni objekti sa pripadajućim inventarom (šatori, kontejneri za smještaj i izolaciju pacijenata, kontejneri za odlaganje medicinskog otpada, kreveti, kreveti za intenzivnu njegu / antidekubitalni madraci, „beeding“ setovi, ćebad, posteljina, mobilne tuš kabine i toaleti, sredstva i pribori za zadovoljavanje higijenskih potreba);
- f) sredstva i oprema za tretiranje posmrtnih ostataka- umrlih od COVID-19,
- g) terenske bolnice – karantinski tip privremenih objekata sa stručnim osobljem,
- h) agregati, grijalice za šatore.
- i) kao i finansijsku pomoć.

(3) Ministarstvo sigurnosti Bosne i Hercegovine obezbjeđuje stručne i administrativne pretpostavke za potrebe Koordinacijskog tijela Bosne i Hercegovine za zaštitu i spašavanje u vezi sa traženjem i prijemom međunarodne pomoći.

Član 3. (Postupak prijema pomoći)

Međunarodna pomoć iz člana 2. ove Odluke se prima po procedurama propisanim u članu 3. Uputstva za međuresornu koordinaciju prilikom primanja, upućivanja i tranzita međunarodne pomoći u zaštiti i spašavanju (“Službeni glasnik BiH”, br. 77/13).


Član 4. (Izveštavanje)

Zadužuje se Ministarstvo sigurnosti Bosne i Hercegovine da podnese izvještaj o realizaciji ove odluke Vijeću ministara Bosne i Hercegovine po završetku aktivnosti.

Član 5.
(Stupanje na snagu)

Ova odluka stupa na snagu danom donošenja i objavljuje se u „Službenom glasniku BiH“, a primjenjuje se dok traje stanje prirodne ili druge nesreće na teritoriju Bosne i Hercegovine izazvane koronavirusom (COVID-19).

VM Broj: 33 /20
01.04.2020.godine
Sarajevo



Predsjedavajući
Vijeća ministara BiH
Zoran Tegeltija